



Broj: 11-14-1180-1/18
Goražde, 21.05.2018.godine

Na osnovu člana 70. Zakona o organizaciji organa uprave u Federaciji Bosne i Hercegovine («Službene novine F BiH» broj: 35/05), člana 131. Zakona o dopunskim pravima branilaca i članova njihovih porodica, a u vezi sa članom 126. Zakona o dopunskim pravima branilaca i članova njihovih porodica («Službene novine BPK Goražde» broj: 9/13 i 11/14) i Odluke o pokretanju postupka za pružanje pomoći u rješavanju stambenih potreba pripadnika boračkih populacija broj: 11-14-1180/18 od 21.05.2018.g., Ministarstvo za boračka pitanja Bosansko-podrinjskog kantona Goražde, o b j a v l j u j e:

JAVNI POZIV ZA PRUŽANJE POMOĆI U RJEŠAVANJU STAMBENIH PITANJA PRIPADNIKA BORAČKIH POPULACIJA

Predmet Javnog poziva je pružanje pomoći u rješavanju stambenih pitanja pripadnika boračkih populacija odobravanjem jednokratne bespovratne pomoći iz raspoloživih sredstava u ukupnom iznosu od 125.000,00 KM planiranih u Budžetu za 2018/2019. godinu na Ekonomskom kodu 614200 „**Tekući transferi pojedincima**“

Sredstva iz predhodnog stava ovog Poziva mogu se odobriti za slijedeće namjene:

1. za nabavku i ugradnju građevinskog materijala u individualnim stambenim objektima čime se postiže ispunjenje minimalnih uslova za boravak i stanovanje;
2. opravku i sanaciju oštećenih krovova individualnih stambenih objekata;

Na ovaj Javni poziv zahtjeve mogu podnositi pripadnici boračkih populacija sa područja Bosansko-podrinjskog kantona Goražde koji ispunjavaju uslove propisane Zakonom o dopunskim pravima branilaca i članova njihovih porodica («Sl. novine BPK Goražde» broj: 9/13 i 11/14), kao i pripadnici boračkih populacija koji nemaju prebivalište, odnosno boravište na području Kantona, a ostvarila su povratak u Republiku Srpsku u opštinama Foča, Čajniče, Rudo, Višegrad, Rogatica, Pale i Novo Goražde, s tim da su na dan potpisivanja «Opšteg okvirnog sporazuma za mir u BiH» (14.12.1995.godine) imala boravište na području Kantona.

1. OBLIK OSTVARIVANJA PRAVA

Pravo na jednokratnu bespovratnu dodjelu sredstava ostvaruje se na slijedeći način:

- a) jednokratna bespovratna dodjela sredstava za predmetne namjene u građevinskom materijalu ili
- b) jednokratna bespovratna dodjela sredstava u vidu izvođenja građevinskih radova i pružanja građevinskih usluga.

Predmjer i predračun iznosa ostvarenog prava iz tačke a) i b) utvrđuje Stručna komisija za procjenu sanacije, adaptacije individualnih stambenih jedinica, kontrolu ugradnje građevinskog materijala i izvedenih radova u skladu sa članom 128. Zakona u kojem je propisan minimalan sadržaj uslovnosti stambene jedinice baziran na veličini domaćinstva.

Planirana sredstva Budžetom Ministarstva za boračka pitanja Bosansko-podrinjskog kantona Goražde za 2018.godinu namjenjana za realizaciju ovog prava raspoređuju se kako slijedi:

-Ukupan iznos sredstava za raspodjelu na ime jednokratne pomoći u građevinskom materijalu za sanaciju oštećenih krovova individualnih stambenih objekata i zatvaranje nužnih otvora na dijelu stambene jedinice do veličine koja čini minimalan sadržaj uslovnosti propisan Zakonom iznosi **110.000,00 KM**.

Pojedinačni iznos koji se može odobriti podnosiocu zahtjeva ne može prelaziti iznos od **2.000,00 KM**.

Izuzetno u slučaju većeg oštećenja na stambenoj jedinici za koju postoji potreba sanacije do sticanja stambenog minimuma za lica koja žive u izuzetno teškoj materijalnoj situaciji može se odobriti i veći iznos sredstava, s tim da ne prelazi iznos od **3.000,00 KM**.

-Ukupna sredstva za izvođenje građevinskih radova i pružanje građevinskih usluga iznosi **15.000,00 KM**.

Pojedinačan iznos koji se može odobriti je do **1.000,00 KM** po korisniku.

Realizacija predmetnog prava izvršavat će se u skladu sa raspoloživim sredstvima u Budžetu Ministarstva.

2. KORISNICI PRAVA

Pravo na odobravanje jednokratne bespovratne dodjele sredstava za rješavanje stambenih potreba imaju: porodice šehida i porodice poginulih, umrlih i nestalih branitelja; branitelji; dobrovoljci i organizatori otpora; veterani; učesnici rata; ratni vojni invalidi; dobitnici ratnih priznanja i odlikovanja i članovi porodica poginulih, umrlih i nestalih dobitnika ratnih priznanja i odlikovanja.

a) pod uslovom da su prebivalište, odnosno boravište na području Bosansko-podrinjskog kantona Goražde imali na dan (14.12.1995. godine) i dalje neprekidno;

b) ako ispunjavaju uslove propisane Zakonom, a **nisu ostvarili pravo na pomoć** u pružanju stambenih potreba putem ovog Ministarstva u predhodnom periodu;

c) ako su u propisanom roku ovog Javnog poziva predali potpunu dokumentaciju.

3. KRITERIJI ZA BODOVANJE PODNEŠENIH ZAHTJEVA

(Kriteriji bodovanja)

Prilikom formiranja liste korisnika prava na dodjelu sredstava pored ispunjavanja uslova iz Zakona, Stručna komisija uzima u obzir zbir bodova dobivenih na osnovu:

- a) opštih kriterija,
- b) posebnih kriterija,
- c) dopunskih kriterija.

(Opšti kriteriji)

(1) a) Stambena situacija se rješava

1) sanacijom, rekonstrukcijom, adaptacijom, preuređenjem krovišta i potkrovlja u stambeni prostor, pretvaranjem zajedničkih prostorija u stambeni prostor ili dogradnjom stambene jedinice.....40 bodova

b) Broj članova porodičnog domaćinstva -za svakog člana porodičnog domaćinstva, podnosioca zahtjeva po.....10 bodova

c) Učešće u Oružanim snagama

1) učešće od 18. 09. 1991 -23. 12. 1995. za jedan mjesec.....4 boda

Bodovi za učešće u Oružanim snagama pripadaju podnosiocu zahtjeva.

d) Nosioци najviših ratnih priznanja.....40 bodova

e) Hronološki red podnijetih zahtjeva -za svaku godinu čekanja.....40 bodova

(2) Ukupan broj bodova ostvaren po svakoj tački ovog člana međusobno se zbraja.

(3) Za ratne vojne invalide koji su otpušteni iz Oružanih snaga po osnovu vojne nesposobnosti koja je posljedica ranjavanja ili povređivanja i šehide -poginule borce, učešće u Oružanim snagama boduje se za čitav period od momenta stupanja u Oružane snage pa sve do završetka oružane agresije na Bosnu i Hercegovinu (23.12.1995.godine).

(Posebni kriteriji)

(1) a) Broj poginulih boraca-šehida članova porodičnog domaćinstva

1) šehidska porodica-porodica poginulog borca sa dva i više poginulih i roditelji koji su izgubili jedino dijete.....50 bodova

2) šehidska porodica-porodica poginulog borca sa jednim poginulim sa troje i više malodobne djece.....45 bodova

3) šehidska porodica-porodica poginulog borca sa jednim poginulim i dvoje malodobne djece.....40 bodova

4) šehidska porodica-porodica poginulog borca sa jednim poginulim i jednim malodobnim djetetom.....30 bodova

5) šehidska porodica bez djece.....25 bodova

6) roditelji šehida sa jednim poginulim.....20 bodova

b) Procenat oštećenja organizma

1) Ratni vojni invalid sa procentom tjelesnog oštećenja 100% I i II grupe.....50 bodova

2) Ratni vojni invalidi sa procentom tjelesnog oštećenja 90% III grupe..... 45 bodova

3) Ratni vojni invalidi sa procentom tjelesnog oštećenja 80% IV grupe.....40 bodova

4) Ratni vojni invalidi sa procentom tjelesnog oštećenja 70% V grupe.....35 bodova

- 5) Ratni vojni invalidi sa procentom tjelesnog oštećenja 60% VI grupe..... 30 bodova
- 6) Ratni vojni invalidi sa procentom tjelesnog oštećenja 50% VII grupe.....25 bodova
- 7) Ratni vojni invalidi sa procentom tjelesnog oštećenja 40% VIII grupe..... 20 bodova
- 8) Ratni vojni invalidi sa procentom tjelesnog oštećenja 30% IX grupe.....15 bodova
- 9) Ratni vojni invalidi sa procentom tjelesnog oštećenja 20% X grupe.....10 bodova
- c) Borci -branioci BiH..... 8 bodova**

(2) Podnosiocu zahtjeva pripadaju bodovi samo po osnovu jedne tačke ovoga člana, koja je za njega povoljnija.

(Dopunski kriteriji)

(1) a) Teška bolest podnosioca zahtjeva ili člana porodičnog domaćinstva.

Pod teškim bolestima u smislu ove uredbe smatraju se:

- 1) akutna tuberkuloza;
- 2) maligna oboljenja;
- 3) endemska nefropatija;
- 4) stanje poslije hirurškog zahvata srca;
- 5) sva degenerativna oboljenja centralnog nervnog sistema;
- 6) infarkt (srčani, moždani);
- 7) oboljenje mišićnog sistema i paralize.

Sve ove bolesti boduju se pojedinačno sa..... 5 bodova

b) Maloljetni pripadnici Oružanih snaga

Licima koja su se uključila u OS u životnoj dobi kada nisu bili vojni obveznici... 20 bodova

c) Borački status člana porodičnog domaćinstva

Dodatni borački status za svakog člana porodičnog domaćinstva.....20 bodova

d) Materijalna situacija porodičnog domaćinstva podnosioca zahtjeva

- 1) porodice korisnici socijalne pomoći i porodice bez ikakvih primanja.....50 bodova
- 2) porodice sa primanjima do 15 % prosječne netto plaće isplaćene u Federaciji BiH u predhodnoj godini po članu45 bodova

3) porodice sa primanjima od 15% do 20% prosječne netto plaće isplaćene u Federaciji BiH u predhodnoj godini po članu.....30 bodova

4) porodice sa primanjima od 20% do 25% prosječne netto plaće isplaćene u Federaciji BiH u predhodnoj godini po članu10 bodova

e) Status stanovanja

1) stanuje u alternativnom smještaju koji je dužan napustiti40 bodova

2) stanuje kao podstanar30 bodova

3) stanuje u vlastitoj neuslovnoj stambenoj jedinici.....20 bodova

4) stanuje kod roditelja10 bodova

(2) Pod primanjima porodičnog domaćinstva podrazumijevaju se ukupna novčana primanja uključujući primanja po osnovu socijalne i boračko-invalidske zaštite.

(3) Ukupan broj bodova ostvaren po svakoj tački ovog člana međusobno se zbraja.

Formiranje liste korisnika prava na dodjelu sredstava

(formiranje listi)

Liste korisnika za dodjelu sredstava sadrži zbir bodova dobivenih po osnovu opših, posebnih i dopunskih kriterija.

(dodjela sredstava na ime nabavke građevinskog materijala)

Prilikom ostvarivanja prava na dodjelu sredstava na ime nabavke građevinskog materijala i formiranja liste korisnika vrši se bodovanje po osnovu opših, posebnih i dopunskih kriterija, utvrđenih ovim pozivom.

(dodjela sredstava za izvođenje građevinskih radova i pružanje građevinskih usluga)

(1) Prilikom ostvarivanja prava na dodjelu sredstava u vidu izvođenja građevinskih radova i pružanju građevinskih usluga, pravo na ovaj vid pomoći imaju:

a) djeca bez oba roditelja, roditelji šehida koji su stari, bolesni i iznemogli, naročito roditelji šehida nosilaca najviših ratnih priznanja ;

b) šehidske porodice koje nemaju mogućnost da same ugrade građevinski materijal;

c) ratni vojni invalidi sa visokim stepenom invalidnosti (ratni vojni invalid I, II i III grupe invalidnosti).

d) teško oboljeli branitelj od oboljenja definisanih u članu 140. stav (1) tačka a) Zakona o dopunskim pravima branilaca i članova njihovih porodica u Bosansko-podrinjskom kantonu Goražde («Sl. novine BPK Goražde» broj: 9/13 i 11/14) koji su korisnici socijalne pomoći ili koji u okviru porodičnog domaćinstva ne ostvaruju nikakva primanja.

Ukoliko ima raspoloživih sredstava namjenjenih za pružanje građevinskih usluga i izvođenje radova na individualnim stambenim objektima pored lica iz predhodnog stava ovog Javnog poziva pravo na dodjelu predmetnih sredstava mogu ostvariti pripadnici boračkih populacija kojima je uručena donacija u materijalu od strane drugih nivoa vlasti.

(2) Za formiranje liste korisnika za ovaj način dodjele sredstava pored ispunjavanja uvjeta iz predhodnog stava (1) ovog poziva vrši se bodovanje po osnovu opših, posebnih i dopunskih kriterija, utvrđenih ovim pozivom.

Osnovna dokumentacija koju prilaže podnosilac zahtjeva

1. Dokaz o pripadnosti boračkoj populaciji po odredbama člana 1. i 2. Zakona o dopunskim pravima branilaca i članova njihovih porodica u Kantonu, (uvjerenje odjela Ministarstva odbrane, rješenje o priznatom pravu na ličnu/porodičnu invalidninu);
2. Uvjerenje o državljanstvu ili fotokopija Cipsove lične karte za podnosioca zahtjeva;
3. Rodni list za podnosioca zahtjeva i za sve članove porodičnog domaćinstva;
4. Kućna lista o broju članova domaćinstva podnosioca zahtjeva. Uz kućnu listu dostaviti ovjerene kopije CIPS-ove prijave stalnog prebivališta za sve punoljetne članove porodice, a za maloljetne rodni list;
5. Uvjerenje o kretanju za podnosioca zahtjeva izdato od Policijske uprave (policajska uprava gdje podnosilac zahtjeva ima prebivalište, odnosno boravište) koje mora obuhvatiti period od 01.01.1991. godine do dana izdavanja uvjerenja;
6. Dokaz o ukupnim primanjima domaćinstva podnosioca zahtjeva i punoljetnih članova porodičnog domaćinstva (potvrda o primanjima od poslodavca, ček od penzije iz radnog odnosa, odnosno primanja po osnovu lične i porodične invalidnine, ličnog i porodičnog materijalnog obezbjeđenja i dr.);
7. Izjava ovjerena od općinske službe za ovjeru da su podnosilac zahtjeva i članovi domaćinstva evidentirani kod Kantonalne Službe za zapošljavanje;
 - a) Dokaz Kantonalne Službe za zapošljavanje da je podnosilac zahtjeva nezaposlen i za nezaposlene članove domaćinstva;
8. Izjava ovjerena od općinske službe za ovjeru o statusu stanovanja podnosioca zahtjeva:
 - a) stanuje u alternativnom smještaju koji je dužan napustiti, (rješenje nadležnog organa);
 - b) stanuje kao podstanar, (ovjeren ugovor o podstanarskom odnosu);
 - c) stanuje u vlastitoj neuslovnoj stambenoj jedinici, (dokaz—ovjerena izjava);
 - d) stanuje kod roditelja, (dokazuje se potvrdom izdatom od nadležne mjesne zajednice ili CIPS-ove prijave stalnog prebivališta za roditelje).
9. kada je u pitanju nabavka i ugradnja građevinskog materijala u individualnim stambenim objektima čime se postiže ispunjenje minimalnih uslova za boravak i stanovanje, odnosno opravka i sanacija oštećenih krovova individualnih stambenih objekata.
 - **Izjava** ovjerena od općinske službe za ovjeru da podnosilac zahtjeva kao i njegovi članovi porodičnog domaćinstva nemaju drugu stambenu jedinicu u vlasništvu ili posjedu niti su podnijeli zahtjev za upis vlasništva na bilo kojoj stambenoj jedinici u Kantonu te na ostalim područjima Bosne i Hercegovine izuzev one koja je predmet ostvarivanja ovog prava.
 - **izjava** podnosioca zahtjeva da nije dobio donaciju od bilo koga i u bilo kojem iznosu, odnosno izjava za ona lica koja su dobila donaciju tačan iznos odobrene donacije te navesti instituciju od koje je dobio donaciju (**izjava od strane podnosioca zahtjeva ovjerena od općinske službe za ovjeru**);
10. ukoliko se podnosilac zahtjeva nastanio na teritoriji Kantona u periodu od 04.05.1992.g. – 14.12.1995.g, **izjava da nije u statusu raseljenog lica** (izjava od strane podnosioca zahtjeva ovjerena od općinske službe za ovjeru), **kao i dokaz** od općine prebivališta do dolaska u Bosansko-podrinjski kanton Goražde da on i članovi porodičnog domaćinstva nemaju uslovnu stambenu jedinicu u toj općini, (*dokaz iz općine trenutnog prebivališta i dokaz od općine do dolaska u Kanton*).
 - b) Dodatna dokumentacija koju po potrebi dostavlja podnosilac zahtjeva**

- **dokaz o dodatnom boračkom statusu** jednog ili više članova porodičnog domaćinstva (Federalno ministarstvo za boračka pitanja-općinsko odjeljenje sektora za vojne evidencije gdje se podnosilac vodi u evidenciji);
 - **ljekarski nalaz o teškoj bolesti** podnosioca zahtjeva ili člana porodičnog domaćinstva.
- c) Dodatna dokumentacija za sve oblike ostvarivanja ovoga prava koju dostavlja podnosilac zahtjeva pored osnovne dokumentacije**

1. Jednokratna bespovratna dodjela sredstava za nabavku građevinskog materijala

-Ukoliko stambena jedinica nije evidentirana u katastru općina, gruntovnici ili knjizi položenih ugovora Suda potrebno je dostaviti građevinsku dozvolu-rješenje o legalizaciji objekta-naknadnu urbanističku saglasnost za legalizaciji objekta.

2. Jednokratna bespovratna dodjela sredstava za izvođenje građevinskih radova i pružanja građevinskih usluga

Ukoliko stambena jedinica nije evidentirana u katastru općina, gruntovnici ili knjizi položenih ugovora Suda potrebno je dostaviti građevinsku dozvolu-rješenje o legalizaciji objekta-naknadnu urbanističku saglasnost za legalizaciji objekta.

Ukoliko je podnosilac zahtjeva korisnik stalne socijalne pomoći – Rješenje nadležnog Centra za socijalni rad.

-djeca bez oba roditelja, roditelji šehida koji su stari, bolesni i iznemogli, naročito roditelji šehida nosilaca najviših ratnih priznanja;(Dokaz: Rješenje nadležnog organa)

-šehidske porodice koje nemaju mogućnost da same ugrade građevinski materijal;(Dokaz: Rješenje nadležnog organ i Izjava)

-ratni vojni invalidi sa visokim stepenom invalidnosti (ratni vojni invalidi I, II i III grupe invalidnosti);(Dokaz: Rješenje o priznatom statusu i Izjava)

-teško oboljeli branitelji od oboljenja definisanih u članu 140. stav (1) tačka a) Zakona koji su korisnici socijalne pomoći ili koji u okviru porodičnog domaćinstva neostvaruju nikakva primanja; (Dokaz: medicinska dokumentacija Rješenje nadležnog organa za korisnike socijalne pomoći, dokaz o visini mjesečnih primanja podnosioca zahtjeva i članova njegovog porodičnog domaćinstva)

- Ostali potrebni dokazi relevantni za odlučivanje o pravu u konkretnom slučaju.

Svi navedeni dokazi moraju biti originali ili propisno ovjerena kopija ne starija od šest mjeseci.

Po ukazanoj potrebi Ministarstvo će službenim putem izvršiti provjere određenih podataka, te ukoliko pri provjerama ustanovi da je podnosilac zahtjeva dao netačne podatke, zahtjev će biti odbijen.

4. LICA KOJA NE MOGU OSTVARITI PRAVO

- vlasnici porodične stambene zgrade ili stana na području Bosne i Hercegovine, ili koji zadovoljavaju stambene potrebe u skladu sa propisima koji regulišu stambene odnose i ovim Zakonom, ili da takav stan posjeduje njihov član porodičnog domaćinstva;
- koristili stambeni objekat u ličnom ili vlasništvu člana porodičnog domaćinstva, koji su odgovarali potrebama stanovanja u skladu sa propisima koji regulišu stambene odnose i stambenim minimumom definisanim Zakonom o dopunskim pravima, a svojevrijem su izgubili svojinu nad stambenim objektom, teretnim ili dobroćinim pravnim poslom (sa ili bez naknade), ili su ga bilo kojim drugim pravnim poslom, otuđili nakon 14.12.1995.godine;

- na ime stambenog zbrinjavanja **ostvarili jednokratnu bespovratnu pomoć** u novčanim sredstvima u predhodnom periodu putem **Ministarstva za boračka pitanja BPK Goražde** bez obzira na visinu odobrenih sredstava.
- Pripadnici boračkih populacija koji nisu imali prebivalište – boravište na području Kantona na dan potpisivanja «Općeg okvirnog sporazuma za mir u Bosni i Hercegovini» (dana 14.12.1995.), te pripadnici boračkih populacija koja imaju status raseljenog lica izuzev interno raseljenih lica;
- Pripadnici boračkih populacija koji nisu proveli neprekidno jednu godinu u Oružanim snagama;
- Pripadnici boračkih populacija koji su proveli više od jedne godine u Oružanim snagama, a iste su samovoljno napustili;
- Pripadnici boračkih populacija kao i članovi njihovog porodičnog domaćinstva ako su već ranije podnosili zahtjev za rješavanje stambenog pitanja i isti odbijen iz razloga uslovnosti stambenog objekta cijenjenog od Komisije za procjenu oštećenja individualnih stambenih jedinica u skladu sa definisanim minimumom stambenih uslova za sanaciju i adaptaciju;
- Pripadnici boračkih populacija koju su podnijeli zahtjev sa nepotpunom dokumentacijom;
- Pripadnici boračkih populacija koji nisu podnijeli zahtjev u propisanom roku ovog Javnog poziva;
- Podnosioci zahtjeva za koje Ministarstvo za boračka pitanja Bosansko-podrinjskog kantona Goražde provjerom ustanovi da su dali netačne podatke.

5. ROKOVI PODNOŠENJA ZAHTJEVA

Prijem zahtjeva Ministarstvo za boračka pitanja Bosansko-podrinjskog kantona Goražde će vršiti od dana objavljivanja Javnog poziva zaključno sa 08.06.2018.godine.

6. MJESTO PODNOŠENJA ZAHTJEVA

Za priznavanje i ostvarivanje navedenih oblika prava, zahtjev na posebno propisanim obrascima za svaki oblik ostvarivanja prava (pisarnica Kantona) sa posebnom dokumentacijom podnosi se na slijedeću adresu: Ministarstvo za boračka pitanja Bosansko-podrinjskog kantona Goražde, ul. Prve slavne višegradske brigade br. 2a, 73 000 Goražde putem pošte ili ličnim podnošenjem u pisarnici Bosansko-podrinjskog kantona Goražde.

7. OBRADA ZAHTJEVA

Nakon završene obrade zahtjeva i formiranja bodovne liste lica koja su u skladu sa ovim Javnim pozivom i Zakonom ostvarili neka od naznačenih prava, Ministarstvo za boračka pitanja Bosansko-podrinjskog kantona Goražde objaviće obavještenje na internet stranici Ministarstva za boračka pitanja Bosansko-podrinjskog kantona Goražde, na oglasnoj ploči Bosansko-podrinjskog kantona Goražde i oglasnim pločama udruženja boračkih populacija.

NAPOMENA:

- Obavezno predati fotokopije dokumenta koje moraju biti ovjerene ili orginal dokumenta, s tim da ovjerene fotokopije ne mogu biti starije od 6 (šest) mjeseci.
- Predata dokumentacija svih aplikanata neće se vraćati podnosiocima zahtjeva.
- Uz podnešenu prijavu na Javni poziv sa pratećom dokumentacijom, podnosilac obavezno

prilaže **spisak priložene dokumentacije** svojeručno potpisan (original), a kopiju spiska zadržava kod sebe.

Redne brojeve dokumentacije sa spiska upisati lično u gornjem desnom uglu dokumenta koji prilaže.

Nerješene zahtjeve za odobravanje jednokratne bespovratne pomoći dostavljene u otvorenom roku po objavljenom Javnom pozivu 2016/2017.g., Ministarstvo će razmotriti u skladu sa propisanim uslovima u ovom Javnom pozivu.

Pripadnici boračkih populacija koji su dostavili zahtjev po predhodno objavljenom Javnom pozivu u 2016/2017. godini za odobravanje bespovratne pomoći za nabavku i ugradnju građevinskog materijala u individualnim stambenim objektima čime se postiže ispunjenje minimalnih uslova za boravak i stanovanje, odnosno opravka i sanacija oštećenih krovova individualnih stambenih objekata dužni su u roku definisanom u ovom Javnom pozivu izvršiti obnovu dokumentacije čiji je rok ograničen (dopuna zahtjeva).

MINISTAR

Eniz Halilović